



DEN NORSKE KYRKJA
Ulstein sokn



ÅRSMELDING 2025

Godkjent av Ulstein sokneråd i sak S-2026/05

Meir himmel på jorda

FORORD

Helsing frå sokne- og fellestrådsleiaren

I årsmeldinga for 2024 skreiv eg dette: «Årsmeldinga som du no har i hendene, vitnar både om ein kyrkjelyd med stor breidde i arbeidet, og om eit lokalsamfunn der kyrkja har ein viktig og naturleg plass.»

Slik har det og vore i året som no er omme. Vi er kyrkje for einskildmenneske og for det samfunnet vi alle er ein del av. I sorg og i glede. Det stemmer godt med visjonen vi har i Ulstein sokn, for vi er og vil vere, «Saman på ferda». Nokre moment eg vil trekke fram i denne årsmeldinga:

I dei seinare åra har vi hatt mange innom som vikar i vår kyrkjelyd. Dei har rosa den staben vi har både for det gode faglege arbeidet, og det mellommenneskelege samspelet - og det er sant. Som leiar vil eg takke staben i Ulstein sokn. Ikkje minst knytt til evne og vilje til å takle utfordringar og å finne løysingar.

Årsmeldinga gjev og eit godt innblikk i det arbeidet som er knytt til Ulstein sokn, men den vitnar og om at vi arbeider i eit fellesskap med andre organisasjonar. Utan dette samarbeidet og innsatsen til mange frivillige ville biletet sett annleis ut. Soknet har og lagt opp til jamnlege «frivilligfestar» for å styrke dette samspelet. Takk til alle!

Både i 2022 og 2023 gjekk soknet med underskot, og nokre økonomiske grep vart gjort for budsjettåret 2024. Ikkje minst var det fokus på å auke inntektene.

Kva så med Ulstein nye kyrkje? Vi treng ny kyrkje og Ulstein sokn fortener ny kyrkje. Vi treng å bygge alliansar, skape forståing for behovet vårt, og målbera dette ønsket både internt og eksternt i vårt lokalsamfunn - og vi opplever forståing for dette både hjå politisk og administrativ leiing i Ulstein kommune.

Takk til alle for di deltaking, ditt engasjement, di forbøn og din omtanke!

Ulsteinvik, 10. mars 2026.

Odd Arne Vikebakk
Leiar sokne – og fellestråd

Den Norske Kyrkje
Ulstein sokn
Kyrjekontoret
Sjøgata 61 (Pb. 143)
6067 Ulsteinvik
Tlf: 700 17 680

E-post: post.ulstein@kyrkja.no
Facebook: Ulstein kyrkje
Nettside: www.ulsteinkyrkje.no
Ulstein nye kyrkje: www.ulsteinnyekyrkje.no



Saman på ferda. Foto: Øyvind Grimstad Hagen.
Framsidedfoto/baksidedfoto: Ruben Voldsund.

INNHALD

Glimt frå 2025	s.4
Kyrkjeleg undervisning og læring	s.8
Samarbeid med barne- og ungdomsorganisasjonar	s.11
Diakoni	s.13
Byggekllossen open barnehage	s.17
Kyrkjemusikk	s.18
Presteteneste og gudstenesteliv	s.22
Statistikk	s.25
Ulstein sokneråd	s.28
Frivilligheit	s.30
Tilsette	s.31
Bygg og anlegg	s.33
Økonomi	s.35
Informasjon og kontakt	s.39

GLIMT FRÅ 2025

Vintertreff 2025

Fem år hadde gått sidan førre vintertreff i Ulsteinvik. Ulstein kyrkje, i samarbeid med KFUK-KFUM Møre og Romsdal, samla 120 unge menneske til fellesskap, aktivitetar og kjekt program. Denne gongen hadde arrangementet base på Fredheim og Sjøborg kulturhus. Temaet GUD TIMES la fokus på å ha det kjekt i lag med kvarandre, men også å bruke tid med Gud. Eit stort frivillig apparat og engasjert ungdom var oppskrift på suksess.



Ungdommar frå heile regionen under eit fellesinnslag på scena. Foto: Maria Saxegaard.

Advents-kickoff

Første helga i advent opplevde vi noko vi så å seie aldri opplever: Vi vart nøyddde til å avlyse eit undervisningstiltak, nærare bestemt Adventsnatt i kyrkja. Borna som deltek på adventsnatt brukar også vere sentrale i gudstenesta 1. søndag i advent. Undervisningsavdelinga kasta seg rundt og laga adventkickoff med juleverkstad. Etter familiegudstenesta var det peparkaker, gløgg og julemusikk på Fredheim. Dei vaksne måtte finne seg i å sitje langs veggane sidan alle borda var fulle av limpistol, glitter, konglar, og englar av salmebokpapi.



Juleverkstad på Fredheim for store og små.
Foto: Bjørn Losvik

Takk til Margit

Etter 14 år som sokneprest i Ulstein gjekk Margit Lovise Holte over i ei ny stilling som sjømannsprest i Los Angeles i USA.

Som første kvinnelege prest i Ulstein og eldsjel for arbeid med ungdom og fornying av gudstenesteliv, har Margit sett mange gode spor i kyrkjelyden. Mange frivillige lot seg smitte av hennar engasjement og bidrag til at kyrkja i Ulstein er ein aktiv og verdsett samfunnsaktør. Kyrkjelyden feira avskjed med henne 23. mars med gudsteneste, kyrkjekaffi og mange gode takkeord.



Margit Lovise Holte, her ved gudsteneste under Vintertreff i Ulsteinvik. Foto: Maria Saxegaard.



Tone Cecilie Carlsten under preike i vigslingsgudstenesta. Foto: Øyvind Grimstad Hagen.

Samarbeid med KFUK-KFUM Møre og Romsdal

Samarbeid mellom Ulstein sokn og KFUK-KFUM Møre og Romsdal styrkar kyrkja sitt ungdomsarbeid i regionen. Ten Sing-gruppene blir følgt opp med Gospelnight og konsert, og med felles leiartrening blir det godt lagt til rette for møteplassar i området. Samarbeidet påverkar også arbeid med konfirantar i Herøy positivt.

Vigsling av Tone Cecilie Carlsten

Tone Cecilie Carlsten vart tilsett som vikar i Mirjam Håland Igland si permisjonstid frå januar 2025. Som ferdig utdanna prest valde ho å ha gudsteneste med vigsling til prestetenesta si i Ulstein kyrkje. Det vart ein stor dag i hennar liv og for kyrkjelyden i Ulstein. Takka vere hennar store engasjement rakk mange i Ulsteinvik å bli kjent med Tone Cecilie.



Dansende ungdom frå både Ulstein og Herøy i skjønn foreining under ei Ten Sing-øving i Herøy kyrkje. Foto: Ruben Voldsund

Stabstur

“Team building” er viktig for alle stabar der ein arbeider med høgt aktivitetsnivå i møte med menneske. I september hadde vi ein to-dagars stabstur til Kristiansund, med besøk og treff med staben i Kirkelandet kyrkje og på kyrkjekontoret. Det blei sightseeing med Sund-båten, omvisning på krematoriet og den rundtliggende Kirkelandet gravlund, og omvisning på nybygde Campus Kristiansund. Vi åt ein nydeleg felles middag og avslutta kvelden med brettspel og sosialt samvær. På veg heim køyrde vi om Atlanterhavsvegen. Det gjer samarbeidet på kyrkjekontoret betre og tettare når vi lærer kvarandre å kjenne også utanfor kontoret sine veggar, og i ein meir avslappa og sosial setting.



Størsteparten av staben på tur! Foto: Skipper'n.

Helsing til årets konfirmantar

Staben i Ulstein sokn har i mange år hatt som tradisjon å helse konfirmantane på slutten av året i form av ein musikkvideo. Det gjeld å by på seg sjølv som konfirmant, og då kan ikkje dei tilsette vere noko dårlegare.

Scan QR-koden for å kome til musikkvideoen frå 2025.



Skjermdump frå filmen. Ein ganske kul gjeng dette.



Jan Thormodsæter og Øyvinn Sønnesyn, omkransa av unge koristar. Foto: Andreas Bjerknes/Vikebladet Vestposten.

Takk til Øyvinn og Jan

Det er over 20 år sidan Julenattiné gjekk føre seg utan at Øyvinn Sønnesyn og Jan Thormodsæter har hatt fingrar med i spelinga. Dei to har gjennom alle desse åra hatt leiaransvar for Julenattiné i Ulstein kyrkje. Ulstein sokn er svært takksame for det store engasjementet og innsatsen som har blitt lagt ned over så lang tid. Under Julenattiné 2025 vart dei henta fram til scena begge to for å bli takka av - omkransa av songarar frå korklubben og Ulstein Tween Sing, og med ståande applaus frå ei fullsett Ulstein kyrkje.

Jubilantfest

Alle jubilarar frå 75 år og oppover vart invitert til bursdags-kakefest i Sunnmøre Folkehøgskule sine selskapssalar. Medlem i kyrkja eller ei - alle i rett kategori kunne melde seg på, og heile 90 jubilarar var til stades. Tilbakemeldingane har vore fulle av lovord, og det er tydeleg at det er kjekt å verte hugsa på!



Godt oppmøte, god prat og god mat. Foto: Mari-Ann Vattøy.

KYRKJELEG UNDERVISNING OG LÆRING

Ulstein kyrkje ønskjer å stå saman med familiare i løftet om å la borna få vekse opp i den kristne trua. Vi legg vekt på å lage gode arrangement der barna føler seg sett og trygge. På arrangementa vil vi ha fokus på fellesskap og på å gje dei unge kjennskap til kyrkja, høgtidene, kristen tru og tradisjon.



Gudsteneste med utdeling av fireårsbok. Foto: Ruben Voldsund

Trusopplæring i Ulstein sokn

2025 handla mest om å fortsette det gode arbeidet. I motsetning til 2024 introduserte vi ingen nye undervisningstilbod, men utvikla tilbod starta i 2023 og 2024. I tillegg har fokuset vore på å fornye innhaldet i nokre av dei godt etablerte tilboda, til dømes Tårnagent.

4-årsbok

Eitt av dei undervisningstilboda Ulstein sokn har drive med lengst er utdeling av 4-årsbok. Dette er eit kjærte og kjent tiltak som mange vaksne har minne om. Ulstein sokn opplever jamnt høg oppslutning om dette over fleire år, og er glade for å fortsette tradisjonen. Boka blir delt ut i ei søndagsgudsteneste som er godt lagt til rette for fireåringar og barnefamiljar.



Tilbod på ulike alderstrinn

- 0 år: Dåpssamtale
Byggekllossen
Babysong
- 2 år: Samling med song, utdeling av spisebrikke og lunsj.
- 4 år: Gudsteneste med utdeling av "Mi kyrkjebok"
- 5 år: "Sauen som blei borte"
- 6 år: Dåpsskulen
- 1. kl.: Skapt (ute i krinsane)
- 3. kl.: Tårnagent i kyrkja
- 4. kl.: Mot målet
- 5. kl.: Bibelutdeling / Kode B
- 6. kl.: Adventsnatt i kyrkja
- 7. kl.: Aktivitetskveld med KRIK og Ten Sing
- 9. kl.: Konfirmantundervisning

- 15-18 år:
 - DRYPP-ungdomsgudsteneste
 - MILK-kurs
 - Ungdomsleiarhelg
 - Leiartrening på leir
 - Alive-festival

Undervisning i Herøy og Sande

Nytt i 2025 var at Ulstein sokn leverte undervisningstenester også til Herøy kyrkjelege fellesråd og Sande kyrkjelege fellesråd. Dette var ei hjelp for nabo-sokna våre som då mangla tilsette i kyrkjeleg undervisning. I tillegg var det med å finansiere undervisningsstillingar i Ulstein sokn.

Leiarkurset for ungdommar var ein del av dette, med deltakarar både frå Ulstein og Herøy. Herøy fekk også hjelp til å utvikle og gjennomføre nytt opplegg for konfirmantundervisning.

I Sande hadde vi ansvar for fleire tiltak. I februar vidareutvikla og gjennomførte vi tårnagentsamling og tårnagentgudsteneste i Gursken kyrkje. I tillegg vart påskevandringar gjennomført for barnehagar og skular i Gursken kyrkje, Larsnes kyrkje og Sande kyrkje.

Bilete frå tårnagentsamling, hausten 2025.
Nedste biletet er frå utdeling av fireårsbok.
Alle foto: Ruben Voldsund

Konfirmasjon

Konfirmant-tida i Ulstein byr på leir, gudsteneste, diskusjon, bibel, undervisning, bøn, lystenning, lek, fellesskap, gode opplevingar - og mykje meir.

Andre helga i september 2025 var det til saman fire festgudstenester i Ulstein kyrkje, der i alt 86 ungdommar vart konfirmerte. Ulstein sokn har eit stabilt deltakartal på konfirmasjon over mange år, og ligg markant høgare enn landsgjennomsnittet for Den norske kyrkja.

Å reise på konfirmantleir er eit høgdepunkt i konfirmantåret. Konfirmantane deltek på leir i fem dagar, og mykje av undervisninga går føre seg der.

Leiarkurs for ungdom


Ulstein sokn ynskjer å kurse ungdommar til å bli leiarar på konfirmantleir og i anna ungdomsarbeid. Dette er utviklande for ungdommane og nyttig for kyrkjelyden. I så måte er leiarkurs for 10.-klassekullet viktig.

Også i 2025 samarbeidde Ulstein sokn med kyrkja i Herøy om leiarkurs. Ungdommane blir viktige leiarar i konfirmantarbeidet og ungdomsarbeidet i åra framover.

Kontakt med barnehagar og skular

I 2025 vart vi kontakta av Ulsteinvik barneskule og Ulstein ungdomsskule med spørsmål om å utvikle og gjennomføre undervisningstimar for 7. og 8. trinn, tilpassa læringsmål i KRLE. 7.-trinnet fekk ein undervisningstime om historia til Ulstein kyrkje, samanhengen med Ulstein gamle kyrkjestad og symbol i kyrkja. 8.-trinnet jobba med heilage bygg i ulike religionar, og fekk undervisning om kyrkja som heilagt hus i kristendommen. Vi er glade for at skulane i området nyttar kyrkja og dei ressursane som finst her, både i form av bygg og kunnskapen fagpersonar sitt inne med, og ynskjer meir av dette velkomne.

Andreklassingane frå skulane og barnehagane kom til kyrkja for å lære om påska gjennom å delta i påskevandring. Vi gjennomførte som vanleg skulegudstenester og barnehagegudstenester i desember.



Bilete frå konfirmantleir. Foto: Bjørn Losvik



Fagleg fornying er viktig. Hausten 2025 deltok kyrkjelyds-pedagog og kateket på Nordisk konfirmantlederkonferanse i Åbo, Finland. Foto: Det kunne vi ikkje "finne" ut av.



Juleverkstad for store og små på Fredheim. Foto: Ruben Voldsund



Bilete frå toårssamling. Foto: Ruben Voldsund

SAMARBEID MED BARNE- OG UNGDOMSORGANISASJONAR

Ulstein sokn har regelmessig samarbeid med

KFUK-KFUM Ulstein

Leiar: Arnt Ole Grimstad

Ulstein Ten Sing

Leiar: Ruben Voldsund

Ulstein KFUK-KFUM speidarar

Leiar: Elisabeth Kirkengen Hovlid og Hanne Marte Grimstad

KRIK Ulstein

Leiar: Erlend Førre

Ulsteinvik søndagsskule

Leiar: Mari Haugen Lunde

Hasund søndagsskule

Leiar: Andrea Viseth

NMSU region Møre

Hilde Lervik Langås

Ulstein KFUK-KFUM-speidarar

I Ulsteinspeidarane er det mange grupper. Stifinnar for jenter (3.-4. klasse), stifinnar for gutar (3.-4. klasse), vandrargutar (5.-10. klasse), vandrargutar (5.-10. klasse) og roverar (1 vgs - 25 år). Ved utgangen av året var det 234 betalende medlemmar og leiarar. Dei 13 patruljene har møte omlag annankvar veke. Møta foregår for det meste ute og mange patruljer har fast leirplass. Aktiviteten i gruppa er i hovudsak retta mot friluftsliv og opplæring i diverse speidaraktivitetar som leirbygging og naturkunnskap, men også personleg utvikling og samarbeid i gruppe. Det er framleis mange stifinnarar og her trengs det litt foreldrehjelp slik at ein kan dele dei opp i mindre grupper under patruljesamlingar. Høgdepunkt i 2025 var deltaking på landsleir, der Ulsteinspeidarane stilte med 98 speidarar. Dei lokale overnattingsturane til Hatløya, Nassetelva og andre plassar er også populære. Speidarane rydda også Haddalsvika for plast. Rovergruppa har blitt ei stor og aktiv gruppe.

Søndagsskule i Hasund og Ulsteinvik

Søndagsskulen i Hasund hadde 5 samlingar på våren og 8 samlingar på hausten med god oppslutnad om tilbodet.

Søndagsskulen i Ulsteinvik hadde ikkje regelmessig tilbod i 2025, men har bidrege med søndagsskulesamling under 3 gudstenester. Styret ønskjer å finne fleire barnefamiliar som vil engasjere seg for eit meir regelmessig tilbod.

KRIK Ulsteinvik

KRIK Ulsteinvik er eit aktivt miljø med to ulike aktivitetsgrupper. Gruppa for ungdomsskule- og VGS-alder møtest kvar fredag med om lag 30 frammøtte i gjennomsnitt. Mini-KRIK er ei gruppe for born i alderen to til seks år, med samlingar kvar måndag, med gjennomsnitt på om lag 45 frammøtte. Mini-KRIK er i tillegg ein kjekk sosial møtestad for småbørnsforeldre.

ALIVE-festivalen

Den tverrkyrkjelege festivalen siste helg i oktober har blitt ein tradisjon i Ulsteinvik og er eit viktig møtepunkt for ungdom i regionen. Mange ungdomar frå Ulsteinvik tek del, og soknet samarbeider om programmet med festivalleinga.



Ulstein Ten Sing

Ulstein Ten Sing har hatt samling på Fredheim kvar onsdag kveld, med lek, øving i kor og band, matpause og eit ord for kvelden. Ein gong i månaden har vi gruppeøving der ein kan velje fritt mellom dans, film, drama eller lek. Frå hausten 2025 har gruppa valt å slutte med dramagruppe grunna låg interesse, og har i staden tilbydd Drypp-gruppe som mellom anna skal arbeide med å legge til rette for deltaking i ungdomsgudstenste gjennom musikk, preike og bønnevandring.

Ten Sing har delteke på fleire gudstenester og konsertar, til dømes i lag med studentkoret Yadah Gospel og artisten EVEN. Fredheimbasaren, Hjarvevarmeaksjonen, Lucia på sjukeheimen, og vår årlege Gospel Night var nokre høgdepunkt. Årets største høgdepunkt var utvilsomt vintertreff på heimebane som Ulstein Ten Sing arrangerte i februar i samarbeid med KFUK-KFUM Møre og Romsdal. Over 120 ungdommar frå regionen deltok.

Trass i lågare medlemstal enn frå førre åra har vi framleis ei stabil masse med deltakarar som alle set sitt gode preg på miljøet. Vi er stolte av å ha ei ressurssterk gruppe med unge leiarar som tek ansvar. Med nærare 40 oppmøtte i gjennomsnitt syner det at dette er ein god stad å vere.



Vintertreff 2025 i Ulsteinvik. Solist Malin B. Kristensen, gitarist Sveinung B. Snipsøy, og møteleiar Louise Kaul. Foto: Maria Saxegaard.

Temakveld på Fredheim

Temakveldane hadde ei pause våren 2025, men med ein ny komité på plass vart det fire fine kveldar på hausten. Komiteen for temakveldar i 2025 er samansett av Kari-Janne Ljones Kulø (KFUK-KFUM), Inge Kaldhol (NMS) og Janne Fylsvik Rønningen (Ulstein sokn). Temakveldane i 2025 ser du under.

- | | |
|----------------|---|
| 23. januar: | Frå misjonsarbeid i Mali. Foredrag: Nils Endre Eikeland |
| 4. september: | “KROPP – fortellingen om deg og hva den har med Gud å gjøre”.
Foredrag: Erik Andreassen |
| 18. september: | Musikk som ressurs for barn i risiko - med utgangspunkt i musikkskolen i slummen i Bangkok. Foredrag: Ragnhild Danbolt Øygard |
| 16. oktober: | 100 år med nynorsk salmebok. Foredrag: Marit Kaldhol.
Musikk: Michelle Öhman. Samarbeid med Mållaget. |
| 20. november: | Min salme. Ein kveld rundt songar som har sett spor. |

DIAKONI

Diakoni er kyrkja si omsorgsteneste. Den er evangeliet i handling og skal uttrykkast gjennom nestekjærleik, inkluderande fellesskap, vern om skaparverket og kamp for rettferd. Diakoni er lettare gjort enn sagt, og det er gjennom «å gjere og vere» for våre medmenneske at ein kan nå inn til hjartet. Diakoni er både det som gjerast av diakon/diakoni-arbeidarar, men også ein dimensjon ved det å vere kyrkje.

Seniortreff for ukrainske flyktningar

Ein onsdag i månaden inviterer vi til samling for ukrainske seniorar. Vi har anten samlingar på Fredheim med lunsj, eller vi er på diverse utflukter. I 2025 har vi mellom anna hatt tur til Hakallegarden, og ei mindre gruppe reiste med Hurtigruta ein nydeleg haustdag til Geiranger – ein ufor-gløymeleg tur for oss som var med. Vi inviterer inn til ulike temalunsjar, og har hatt besøk av både banktenesta og helsestasjonen. Det er dei eldre sjølve som vel tema dei ønskjer skal belysast. Av og til er det nok å samlast, prate og ete ilag. Dette er eit tilbod til den gruppa som ikkje er under opplæringsprogrammet til UDI, og vi gjer det for å skape eit fellesskap. Vi har hatt god hjelp frå frivillige både til turane og til samlingane på Fredheim.



Tur til Geiranger og Hakallegarden. Alle foto: Mari-Ann Vattøy.

Internasjonal kvinnegruppe

Vi har samlingar éin gong i månaden, oftast siste onsdag i kvar måned. Frå å ha møte i heimane, har vi frå hausten 2023 flytta samlingane til kyrkja. Vi har halde fram med same forma på møta, med song, andakt, matøkt, lystenning og bøn. Erfaringa med å flytte samlingane til kyrkja er gode. Det gir oss ein ekstra dimensjon, og det er fint å kunne bruke kyrkjebygget også utanom gudstenestene. Alle er hjarteleg velkomne!

Strikkekafé

Kvar måndag kveld møtest vi for sosialt samvær med og utan strikketøy. Dette har blitt veldig populært, og i 2025 har interessa auka. Vi er 25-30 personar på det jamne, nokre lokale og nokre nye tilflyttarar. Dette kom i utgangspunktet i gong etter utbrotet av krigen i Ukraina, med eit ønske om å hjelpe til med å strikke varme klede til både soldatar og sivile. Vi har sendt kassevis med strikk. Det kjennest godt å kunne bidra med det vi kan. Det er lett å bli mismodige når vi ser alt det vonde som skjer rundt oss. Det å føle på ei uro som fører til handling til å gjere godt er ein veldig bra ting. Om vi ikkje får hjelpe alle, så kan vi i alle fall hjelpe nokre. Mange bidreg med tråd og litt å bite i. Dette er diakoni i praksis. I tillegg får vi ei stund med prat, latter og norsktrening - ei god pause frå alt anna for veldig mange.



Høvesvis strikkekveld, juleverkstad og kveldsmat på Fredheim. Alle foto: Mari-Ann Vattøy

Andakter på institusjonane

Vi har andakter på Alvehaugen, Bygdestova og på Holsekerdalen kvar veke. I tillegg til andakt har vi song, bøn og velsigning. Prestar og diakonar byter på kven som er der i tillegg til organist. Det betyr mykje for bebuarane at vi kjem, og at vi er der kvar veke. To gongar i året feirar vi nattverdsgudsteneste på institusjonane.

Open julefeiring på Kjeldsund

I år var det fyrste gong at frivillige leia julefeiringa og laga maten på Kjeldsund på julaftan. Kjeldsund leirstad, Herøy sokn og Ulstein sokn samarbeider om dette gratisarrangementet for dei som ønskjer å ha nokon å feire julaftan med. På programmet var det julemiddag og kaker, gang rundt juletreet, og gåver og aktivitetar for borna. I 2025 var det 58 deltakarar som var samla på Kjeldsund. Takk til alle som har vore involverte med store og mindre oppgåver. Takk også til Sparebank 1 for raus gåve!

Kyrkjelydsfest på Kjeldsund 25. mai

Festen blei i år arrangert av søndagsskulen og diakoniutvalet. Det vart ein fin dag for store og små. Vi feira gudsteneste først, etterfølgt av leik, mat og kake. Det var aktivitetar som lykkehjul, skattejakt, kanopadling, tarebåt, tombola og hoppeslott. Fleire konfirmantar var med og hjelpte til på dei ulike postane som eit ledd i si tenesteoppgåve i konfirmanntida.

Ulstein kyrkje sitt misjonsprosjekt gjennom NMS

Ulstein sokn har misjonsavtale med NMS. Fokusområdet vårt er Midtausten, og vi har kollekt fleire gongar i året til prosjekta. Her er det særskilt arbeidet med TV-stasjonen SAT7 som sender kristne program for born og vaksne. Prosjektet støttar også kurs- og kompetansesenteret Anafora, og ein kristen bokhandel i Kairo. Den Norske Kyrkja og misjonsorganisasjonane har ei aksjonsperiode frå Kristi Himmelfart til St.Hans - "Saman som kyrkje i heile verda". Vi har NMS-gudstenester både på vår og haust med fokus på dette arbeidet, og vi samlar inn til prosjektet på kyrkjelydsfesten. Totalt samla vi inn kr 66 054 til prosjektet i 2025!

Sommar- og adventssong-gudsteneste med Fjøresteinane


I juni og november vart det gjennomført gudsteneste på kveldstid leia av Oddgeir Nygjerde og Fjøresteinane. Sidan to av dei som er med i Fjøresteinane var elevvar ved Sunnmøre Folkehøgskule, hadde vi stort frammøte av skulen. Sjølv om vi føler at vi annonserer godt skulle vi ønskje at fleire fekk med seg desse kveldane. Dei omlag 120 frammøtte hadde herlege stunder med song og musikkglede med Fjøresteinane i front som leia både allsong og hadde eigne innslag.



Ein smilande og glad gjeng! Foto: Christfried Kaul

Allehelgen

Også i 2025 laga vi til minne- og håpsvandring på kyrkjegarden utanfor kyrkja. Nytt av året var at vi laga til også på Osnes kyrkjegard. Lokale kunstnarar med støtte frå Ringstad blomster hjalp til med å utsmykke kyrkja ekstra vakkert med blomar og levande lys også denne gongen. Ved «minnetre» kunne ein henge opp raude hjarte med namna til dei ein ville minnast. Lystenning var fint å ha med. Minnesamlinga var også denne gongen sett til laurdag kl. 17. Tilbakemeldingane som kom etter denne helga viser at minnesamlinga er særskild viktig for dei sørgjande - eit trygt rom der ein kan vere saman med andre i sorga.



Minnetre og fint pynta kyrkje. Foto: Mari-Ann Vattøy

Ettermiddagskaffi med song og gode ord

Dette tilbodet starta opp i 2021 med Ingrid Nerhoel og Mari Ann Vattøy, først og fremst som eit tilbod til dei som bur i omsorgsbustadar på Sjøside. Dette vart starta med ei oppmoding frå omsorgsetaten i kommunen. No har vi fått fleire som kjem og underheld på Sjøside slik at dei har litt meir som skjer gjennom året. Vi hadde tre samlingar på vår og sommar, og éin på hausten. Det er svært kjærcome for dei som bur der.



Godt oppmøte på Sjøside. Foto: Mari-Ann Vattøy

Besøksteneste

Heimebesøk, sjelesorgssamtalar og vandre-samtalar er ein viktig del av jobben. Det kan bety mykje å ha ein å prate med. I 2025 hadde diakonane og prestane 320 slike samtalar.

Etter eit dødsfall får alle pårørande tilbod om heimebesøk eller samtale på telefon. I enkelte tilfelle har samtalanane gått over heile året. Det er eit tilbod mange set pris på. Nokre av tilbakemeldingane vi har fått er at det er godt å bli hugsa på.



Ta vare på hjartet... Foto: Mari-Ann Vattøy

Hjartevarmeaksjonen

I 2025 vart det gitt ut ca 230 matkasser til 538 personar, derav 411 vaksne og 127 born. Dette er ei auke på 100 personar frå året før. Det har vore ei stram tid for mange, som også visast på at det var lagt mindre varer i handlevognene på butikkane enn før. Det kan og skuldast at vi har informert at vi ønskjer at folk gir pengar, sidan vi ville prøve med gavekort på daglegvarebutikkane i tillegg til ei mindre matkasse utan middagsmat. Dette for at folk skal kunne kjøpe inn det dei et, og å unngå matsvinn. Det er mange å takke, både lokale sanitetsforeiningar og små-bedrifter, i tillegg til dei lokale bankane. Det var gledeleg at Sparebanken Norge gav pengar til aktivitetsskort til born til ein verdi av omlag kr. 70.000. Takk også til Sparebankstiftinga. Stor takk til Mattias Grimstad som sprang inn 116.000 netto på sin spleis i 2025!

Hjartevarmeaksjonen er eit samarbeid mellom Frivillig-sentralen, Nykyrkjekarane og Ulstein Sokn. Mari Ann Vattøy er representant frå soknet. Takk til all hjelp vi har fått frå lokale butikkar, frivillige organisasjonar og frivillige til pakking og anna hjelp! Utan desse hadde vi ikkje klart å gjennomføre ein slik aksjon.

Kyrkjekaffi

Dette har vi prøvd så langt som råd å ha etter kvar gudsteneste. Vi har sett at å ha variasjon med kyrkjekaffi på Fredheim og ein enklare kyrkjekaffi i kyrkja har fungert veldig fint. Vi har også sett kor viktig kyrkjekaffien er for integrering og som ein sosial møteplass. Det har vore god oppslutnad. Vi har sett at flyktningar har søkt hit og funne sin plass i fellesskapet. Det å spørje om hjelp til å fylle frysaren med kaffimat har vore ein veldig fin og god ting. Det både avlastar dei som tek på seg å hjelpe til med kyrkjekaffien, og ein får fleire med seg på lag.

Nytt diakonalt tiltak - Ball og bingo

Idéen om Ball & Bingo kom etter at ein lokal kjøpmann donerte ei mengd med pinnekjøtt til kyrkja. Dette var både for at vi skulle gi til trengande, men også til fri bruk i kyrkjelydsarrangement. Vi ønskte å skape eit tilbod for heile familien og servere rimeleg middag, slik at dei fleste kunne ha råd til å ta del samtidig som vi ville ha det litt moro. Vi la oss på ein låg pris inkl. eit bingobrett i prisen. Eit eventuelt overskot skulle gå til diakoniarbeidet i kyrkja. Vi gjennomførte to samlingar med til saman 170 frammøtte. Vi vil seie dette var eit sær s lukka arrangement. Framover vil vi satse på éi samling pr. semester.



Mykje mat skal pakkast på kort tid. Foto: Mari-Ann Vattøy



230 slike matkasser, eller matposar, vart gitt ut i 2025. Foto: Mari-Ann Vattøy



Stinn brakke på Ball & Bingo. Foto: Mari-Ann Vattøy.

BYGGEKLOSSEN OPEN BARNEHAGE



På Byggeklossen kan ein bygge både duplo, togbane og relasjonar.

BYGGEKLOSSEN
OPEN BARNEHAGE

Ein samlingsstad open for alle

Byggeklossen er open på tysdagar frå kl. 09.00-15.00. Det er eit tilbod for foreldre som er heime med born under skulealder. Vi har rom for prat, lek, hobbyaktivitetar, og kaffi og te til dei vaksne. Kvar veke er det babysong kl. 11.00, under leining av Kari Aske Osnes. Karine Sæter er ansvarleg for Byggeklossen open barnehage.

Det er godt å møte andre vaksne når ein er heime med små born, og det er også bra for borna å møte kvarandre. Det kan også vere ein god måte å starte barnehagetilvenninga på. Det er ofte eit par born frå mottaket som ikkje har barnehageplass innom, og det gjer fellesskapet rikare.

Våren 2025 var det i gjennomsnitt 10 born og tilsvarande tal for vaksne kvar gong. På hausten var talet 5. Det har vore 84 born innom Byggeklossen i 2025. Vi har plass til endå fleire, så vi ber deg hjelpe oss med å spreie ordet.



Frivillig Claire Elodie Mapil saman med ansvarleg for Byggeklossen, Karine Sæter. Babysong og tegning er populære aktivitetar.
Foto: Lill-Marte Apelseth Solbakken/Karine Sæter.

KYRKJEMUSIKK

Kyrkjemusikken er ein viktig formidlar av trua og blir uttrykt i ulike samanhengar, på gudsteneste, i korverksemd, i kyrkjelege handlingar, i andakter på sjukeheimen, i musikkundervisning og på konsertar. I 2025 har det blitt lagt fokus på å bygge relasjonar og få eit variasjonsrikt og involverande musikkmiljø i kyrkja vår, med samarbeid i kulturlivet i Ulstein og dei lokale frivillige kreftene.



Kantor, Michelle Öhman ved orgelet. Foto: Fantastiske Osberget

Orgelskule

Det er tre elevar i alderen 12-18 år som tek orgeltimar kvar veke. Dei har fått prøve seg både på å spele salmar, bønner og postludium på gudsteneste og deltatt med eigne stykke på konsertar. Dei har medverka på Adventkonsert med kulturskulen i desember og fått vise seg mellom anna på Adventsong med Fjøresteinane og på Julenattineen.

Orgel

Når orgelet i Ulstein kyrkje fekk sin regelmessige service i år, vart det oppdaga at det trengst ein større reparasjon. Skinnbelgane har blitt for gamle og sprekkjer slik at det dannast hol der lufta kjem ut og lagar støy. Det har blitt gjort eit forsøk på å lage ei løysing med lim og skinn for å tette dei mest kritiske hola. Ein større reparasjon er planlagt til 2026.

Konsertar

Til årets første konsert vart vi gjesta av Yadah Gospel den 29. mars der òg Ulstein Ten Sing fekk delta. Under "Smak av Ulstein" heldt Ulstein Mannskor konsert i kyrkja. Dessverre vart det ikkje «Tonar i fastetid»-konsert dette året, som mellom anna bidrog til eit litt lågare tal på konsertar i løpet av våren.

Under haustsemesteret hadde vi ein samarbeidskonsert med kulturskulen i starten av desember. Even Sævik heldt konsert i Ulstein kyrkje i samband med sin juleturné den 10. desember. Der deltok òg Ulstein Ten Sing. På hausten blei Jazz & Koral flytta til våren 2026 og det har vore sparsamt med konsertar fram til desember.

«Vi syng jula inn» vart ein fin og viktig tradisjon i år òg. Vi er takksame for at Svein Eiksund har teke på seg ansvaret for å arrangere konserten i 2023 og 2024. No i 2025 har ansvaret for konsertarrangementet gått tilbake til kontor.

Konsertar gjennom året

29.3 Yadah Gospel og Ulstein Ten Sing

11.6 Ulstein mannskor
(Smak av Ulstein)

28.11 Gospel Night med Ten Sing

04.12 Adventskonsert med
Kulturskulen

10.12 «Ei sunnmørsk jul» med Even A.
Sævik og Ulstein Ten Sing

14.12 Vi syng jula inn

22.12 Julenattiné


Musikkandakt/gudsteneste

Bøne- og lovsongskveld
27.1 / 24.3 / 28.4 / 22.9 / 27.10 / 17.11

Kveldsmøte:
9.2 / 30.3 / 4.5 / 14.9 / 23.11

Spor av Gud:
2.3 / 28.9

29.5 - Folketonemesse
1.11 - Minnessamling
27.11 - Adventssong med Fjøresteinane



Folketonemesse flytta inn grunna ruskevêr på den gamle kyrkjestaden.



Even Andernach Sævik.
Foto: Ruben Voldsund



Solist og dirigent i Ulstein Ten Sing,
Sofie Aksnes. Foto: Ruben Voldsund

Julenattine

Magne Grimstad jr. fekk tidleg i september 2025 ein førespurnad frå Kyrkjemusikkutvalet i Ulstein sokn om å ta det overordna ansvaret for gjennomføringa av Julenattinéen 2025. Oppdraget vart teke imot med stor entusiasme, og planlegginga kom raskt i gang i tett dialog med utvalet.

Peter Demirov stod for arrangementa og bidrog til eit heilskapleg og profesjonelt musikalsk uttrykk. I bandet elles deltok Rune Ertesvåg (gitar), Kristian Steinsvik (bass), Peter Nygjerde (trommer) og Magne Grimstad jr. (bass/gitar). I tillegg medverka Kirsti Nygjerde, Maria Nygjerde og Arnt Ole Grimstad som koristar. Desse bidrog vesentleg til å løfte fleire av solistinnsлага.

Tomine Sævik Voldsund og Kamilla Grimstad Hagen frå kyrkjemusikkutvalet fekk, i samarbeid med Magne Grimstad jr., ansvar for å kontakte og invitere aktuelle solistar. Om lag 30 ulike solistar blei spurde, og 16 takka ja til å delta. I tillegg takka Beate Mjøen Berg ja til å framføre juleevangeliet, noko som gav konserten ei tydeleg forankring i julebodskapen.

Julenattinéen 2025 vart eit vellukka arrangement, både kunstnarisk og organisatorisk, og utgjer eit solid fundament som ein kan utvikle vidare i åra som kjem.



Bilete frå øving og førebuing til julenattine. Alle foto: Fantastiske Osberget

Korarbeid for vaksne

Vi held fram med tradisjonen og inviterte til prosjektkor for vaksne til påskehelga og til fyrste juledag. Påsekoret deltok på tre gudstenester i påskehelga - langfredag, påskenatta og fyrste påskedag under leiing av Lill-Marte Apelseth Solbakken og Michelle Öhman. Til fyrste juledag stilte ein gjeng opp med fin stemmesong på fellessongane og eit eige korinnslag av «Når juldagsmorgon glimmar» i arrangement av Henry Nordin.

Musikalske krefter på gudsteneste

På fleire av våre gudstenester har vi gleda av å ha ei gruppe frivillige som stiller opp med sine musikalske krefter, som forsongarar, band, solistar, kor eller instrumentalistar. Eit musikalsk høgdepunkt frå året er påskehelga med innslag av prosjektkor, songsolistar, bass, ein saksofonist frå kulturskulen og ein profesjonell saksofonist. Vi har ved fleire høve fått med instrumentalistar på tangentar, slagverk, bass, gitar, fiolin, fløyte, treblås og messing. I tillegg har vi mange korinnslag, mellom andre frå ulike mannskor, det ukrainske damoret i Ulsteinvik, og våre eigne barne- og ungdomskor.

Barnekor

Korklubben har øving annankvar tysdag og er for målgruppa 5 år-3-klasse. Tween Sing har øving motsett tysdag og er for 4.-7.klasse.

Kora har teke del ved desse arrangementa i 2025:

Korklubben

- 5. januar: Synge på julefest på Kjeldsund
- 2. februar: Synge på gudsteneste
- 17. mai: Synge på gudsteneste
- 1. juni: Tur og minikonsert på Hakallegarden
- 15. november: Synge på Fredheimbasar
- 22. desember: Synge på Julenattiné
- 24. desember: Synge på gudsteneste

Tweensing

- 16. mars: Familiegudsteneste
- 7. mai: Song på sjukeheimsforeininga
- 25. mai: Familiegudsteneste på Kjeldsund
- 19. oktober: Gudsteneste for store og små
- 30. november: "Adventsnatt"-gudsteneste
- 22. desember: Julenattiné
- 24. desember Julaftengudsteneste



Korklubben under musikkvideoproduksjon. Foto: Ole-Terje Sukka

Betalande medlemmer i 2025

18 stk i Korklubben

18 stk i Tweensing

Det er ein fin gjeng som er med i Korklubben, men utfordringa er heile vegen å nå ut til nye som vil vere med, særleg gutar.

Vi ser at det er eit stadig minkande tal med songarar på Tweensing. Vi merka nedgang etter at vi byta øvingsdag frå torsdag til tysdag. Vi har prøvd å gjere grep for å få fleire songarar, mellom anna med å prøve å lære inn ein dans. Vi opplevde også at det var fleire som vart motivert av å skulle opptre på Julenattiné. Vi håpar at fleire songarar finn vegen til Tweensing og at vi kan få ein oppsving.

Styret for Tweensing og Korklubben har vore samansett av
Oda Jonette Røyset (leiar)
Janne Aschehoug
Tone-Lise Osnes
Birgitte Vikanes
Kamilla Grimstad Hagen
Michelle Öhman.

Dirigent: Kamilla Grimstad Hagen og Line Aksnes



Ulstein Tween Sing. Foto: Ruben Voldsund

PRESTETENESTE OG GUDSTENESTELIV

Ulstein kyrkje er ei folkekyrkje der alle er velkomne. Det er mange innom kyrkja i løpet av året, i gravferd, dåp, vigslar, gudstenester, konsertar og arrangement. Vi trur mange kjenner seg heime og er stolte av kyrkja si. Ulstein har over fleire år arbeidd med visjonen "Saman på ferda". Saman skapar vi ei truverdig folkekyrkje og eit levande trusfelleskap. Vi vil la ulike fellesskap finne si form, tene lokalsamfunnet, og gjere gode kyrkjelege handlingar frå livet si byrjing til livet sin slutt.



Prest Anton Heggvik "kranglar" med kateket Bjørn Losvik og kyrkjelydspedagog Ingrid M. Sæter om kven som er størst i Guds rike i gudsteneste med utdeling av fireårsbok. Bjørn er kanskje sterkast, men framfor Gud er alle like, vart dei einige om. Foto: Ruben Voldsund

Prestar

Dette året har vi hatt fleire prestar innom. Margit Lovise Holte var i arbeid fram til 30. april, og vi takka henne for lang teneste her på avskjedgudsteneste den 23. mars. Tone Cecilie Carlsten var her frå januar til juli, først som vikar for kapellan, og etter kvart fungerande sokneprest. Leidulv Grimstad var fungerande sokneprest frå august til november. Mirjam Håland Igland har vore ute i omsorgspermisjon, og takka ja til soknepreststillinga i Ulstein som ho byrja i 1. desember.

På grunn av økonomiske innstrammingar i Den Norske Kyrkja er talet på prestestillinger i Ulstein redusert. Mirjam har 100% soknepreststilling, og Anton Heggvik, sokneprest i Vanylven, jobbar i Ulstein inntil 50%. Mirjam, Anton og Lars Hartig-Tangedal (sokneprest på Hareid), deler på gravferd og vigslar i Hareid og Ulstein. Vi håpar på fleire presteressursar ein gong i framtida.

Gudstenesteliv

I Ulstein kyrkje har vi eit variert gudstenesteliv. Guds-tenesta er kyrkjelyden sitt samlingspunkt, og kan gi oss eit møte med den treeinige Gud og gjev oss vekst og kraft i trua vår. Det er mange frivillige som er involverte i gudsteneste, som medhjelparar, kyrkjevertar, musikarar, medliturg, kyrkjekaffi-ansvarleg, skjermstyrar eller med andre bidrag. Takk til alle som vil bidra. Det er meningsfullt å skape noko i lag.

Vi har både ordinære gudstenester med dåp og nattverd, og gudstenester spesielt tilrettelagt for ulike målgrupper. Det er gledeleg å sjå at antal deltakarar på gudsteneste framleis er høgt. Mellom anna var det 908 personar i kyrkja på julaftan i år! Talet på dei som har mottatt nattverd i 2025 har også gått opp.

Vi ønskjer også å ha nokre gudstenester ute i løpet av året, men i 2025 blei to av dei planlagde friluftsgudstenestene flytta inn grunna vår. For å spare litt på presteressursane var det 8 færre gudstenester i 2025 enn i 2024.

Gudstenester tilrettelagt for born

Vi er svært takksame for godt samarbeid med dei lokale organisasjonane her i Ulstein. Det har blitt tradisjon med speidargudsteneste, NMS-familiegudsteneste og samarbeid med Ulstein KFUK-KFUM til dømes på første gudsteneste etter sommaren. I 2025 har vi også hatt to gudstenester som vi kallar «Gudsteneste for alle», der alle aldersgrupper går kvar til sitt for forkynning og evt. leik, og så samlast vi igjen til nattverd. Dette er ei gudstenesteform som vi vil satse på å ha éin til to gongar i året. Gjennom året har vi fleire familiegudstenester knytt til eit trusopplæringstiltak, til dømes utdeling av 4-årsbok, bibelutdeling for femteklassingar og Adventsnatt.

Gudstenester tilrettelagt for ungdom

Vi prøver også å leggje til rette for gudstenestefellesskap for ungdom. Vi ønskjer å halde fram med DRYPP-ungdomsgudstenester, men i 2025 har det vore vanskeleg med omsyn til presteressursar. Vi hadde ei DRYPP-ungdomsgudsteneste i januar der ungdomsleiarar i konfirmantarbeidet vårt var med å førebu gudstenesta. DRYPP ungdomsgudsteneste er eit godt samlingspunkt for ungdom, og det er også ein del konfirmantar som kjem til desse. Konfirmasjonstida har også hos oss fått sine faste gudstenester tilrettelagt for konfirmantar med familie, med presentasjonsgudsteneste, lysmesse, fasteaksjonsgudsteneste og samtalegudsteneste.

Kvart år deltek vi på ALIVE ungdomsfestival i oktober. Det er mange ungdomar frå kyrkjelyden som både deltek på festivalen og har ulike oppgåver. Det er tradisjon med nattverd i kyrkja på laurdagskvelden, og kyrkjelyden blei invitert til tverrkyrkjeleg møte på Sjøborg den helga.



Sokneprest Mirjam og kateket Bjørn. Foto: Ole-Terje Sukka



Unge dansarar, og nokre enda yngre i front. Foto: Ruben Voldsund

Rom for livet og trua

For å skape rom så kyrkja kan famne liv og tru, har det vorte tatt initiativ til andre former for kristent fellesskap. Spor av Gud er ei kveldsmesse med musikk og samtale som vi har hatt nokre gongar i 2025. Magne Grimstad jr. og Mari Ann Vattøy har valt gjestar og musikk, og Holy Ghost Band har spelt kvar gong og stilt med musikalsk kvalitet og variert musikk med glede.

Kveldsmøte har blitt eit fint møtepunkt for unge vaksne i alderen 25-45 år i kyrkjelyden vår. Det har vore 5 kveldsmøte i løpet av året. Før møtet er det ein uformell kveldsmat i kyrkja, og sjølve møtet består av lovsong, andakt og bøn. Komiteen som planlegg kveldsmøta består av frivillige og ein tilsett.

Ei bønegruppe i Ulstein sokn har i mange år arrangert bøn- og lovsongskveld ein måndag i månaden. Dette er ope for alle, og er arrangert av Susan Kaul, Ingrid Nerhoel, Mali Åm og Karianne Orvik.

Takk til alle som legg til rette for trusfellesskap på ulike måtar. Det blir eit supplerande tilbod til gudstenestelivet og gjer kyrkja meir tilgjengeleg for fleire.



Konfirmantar i lysmesse. Foto: Silje Kiperberg Aksnes



Lat småbarna kome, og hindra dei ikkje.
Foto: Ruben Voldsund

Kyrkjelege handlingar

Det er mange som vil døype borna sine, gifte seg og ta farvel med sine kjære i kyrkja. Prestane møter mange i ulike livssituasjonar gjennom veka, i sorgsamtale, på dåpssamling, vigselsførebuaande samtale, eller når nokon treng ein å prate med. Kyrkjelege handlingar omhandlar gravferd, dåp, vigsle og konfirmasjon, og har i si heilheit hatt stigande tal dei siste åra.

Vi har mange vigsler gjennom året, særleg i sommarmånadene. Vi har også hatt god erfaring med valentinsdagsvigsler dei siste åra. Ved å stille prest, kyrkjetenar, organist, fotograf og solist til rådighet i ei fint pynta kyrkje, har vi opplevd eit ras av folk som vil gifte seg. I 2025 var det 10 par som gifta seg i Ulstein kyrkje på valentinsdagen!



Leidulv Øyvind Grimstad, ein av fleire vikarar i 2025. Foto: Ruben Voldsund


STATISTIKK

**Tabell 1:
Oppslutnad DNK i Ulstein**

	2021	2022	2023	2024	2025
Befolkning	8539	8770	8872	8862	8958
Medlemar og tilhøyrande i DNK	6616	6629	6623	6546	6544
% medlemar i Den norske kyrkja	77,5 %	75,6 %	74,7 %	73,9 %	73,1%
Innmelde i DNK	11	9	7	3	3
Utmelde frå DNK	24	19	23	16	13

**Tabell 2:
Kyrkjelege handlingar**

	2021	2022	2023	2024	2025
Dåpshandlingar i soknet	74	66	82	57	82
Konfirmerte i kyrkja	81	80	78	96	86
Gravferder	53	50	49	65	60
Kyrkjelege vigsler	14	12	17	20	22



Prosesjon, av latin *procedere* betyr "å gå framover". Dåpsfølge, konfirmantar og brud går alle i prosesjon, og ved gravferd går ein andre vegen. I alle kyrkjelege handlingar går ein framover mot ein ny del av livet. Foto: Øyvind Grimstad Hagen.

Tabell 3: Gudstenester og andakter	2021	2022	2023	2024	2025
Antal gudstenester totalt	80	89	87	88	80
Deltakarar, gudstenester totalt	6423	12745	14248	14192	12826
Gjennomsnitt pr. gudsteneste	80	143	164	161	160
Antal gudstenester, søn- og heilagdagar	58	54	60	58	60
Deltakarar, gudst. søn- og heilagdagar	5276	7826	9643	9655	10384
Gjennomsnitt pr. gudsteneste søn- og heilagdagar	91	145	161	166	173
Gudstenester utanom søn- og heilagdagar	22	35	27	30	20
Deltakarar, gudst. utanom søn- og heilagdagar	1147	4909	4605	4537	2442
Antal gudstenester med nattverd	34	54	47	46	45
Deltakarar, gudstenester med nattverd	1782	3636	3515	3298	3635
Antal gudstenester særleg tilrettelagt for barn og ungdom	5	10	18	20	15
Antal gudstenester med dåp	33	34	35	24	33
Deltakarar, julaftangudstenester	125	796	872	890	908
Deltakarar, gudstenester i påska	21	574	663	559	647
Antal gudstenester på institusjon i soknet	4	3	5	4	2
Antal gudstenester på annan stad i soknet	19	8	8	6	1
Andakter på institusjon eller aldersheim	113	101	109	105	105



Sokneprest, Mirjam Håland Igland under ei adventsgudsteneste. Foto: Ole-Terje Sukka.

Tabell 4: Kyrkjeleg undervisning i %							
Alder	Trusopplæringstilbod	2021	2022	2023	2024	2025	Snitt i % 2020-2025
0	Babysong	41	51	76	58	74	60
0	Dåpssamtale	93	116	91	105	75	96
2	Samling med utdeling av spise- brikke	32	28	34	33	31	31,6
4	Utdeling av fireårsbok	95*	66	71	76	63	74,2
5	Sauen som vart attfunnen	0	38	43	51	39	34,2
6	Dåpsskule	0	42	42	37	46	33,4
7	Skapt	70	63	0	61	72	53,2
8	Tårnagent	71	75	49	64	68	65,4
10	Mot målet	0	0	0	27	40	13,4
10	Kode B	49	50	38	0	51	37,6
11	Advents natt i kyrkja	40	48	31	44	0	32,6
13	Aktivitetsskveld med KRIK og Ten Sing	0	0	20	24	26	14
15	Konfirmasjon	96	92	88	91	93	92
	Total oppslutnad i %	48,9	55,8	48,6	53,7	53,2	52

* vart delt ut i postkasser under Corona-pandemien

Tabell 5: Musikk/kultur, leiartrening	2021	2022	2023	2024	2025
Deltakarar, leiarkurs for unge 13- 30 år	26	21	23	36	25
Antal kor for vaksne / familiekor	1	3	0	3	2
Antal kor for barn og unge	3	3	3	3	3
Antal konserter og kulturarrangement	25	17	22	23	16
Deltakarar på konsertar og kulturarrangement	1007	1200	1802	1410	1825
Antal konsertar og kulturarr. i regi av andre	4	6	7	4	4
Deltakarar på kons. og kulturarr. i regi av andre	998	978	1084	737	458

ULSTEIN SOKNERÅD 2023-2027

Soknerådet er styringsorganet til den lokale kyrkjelyden, og har det strategiske ansvaret for å vere kyrkje lokalt. Rådet vert valt på nytt kvart fjerde år. Inkludert kommunal representant blir soknerådet utvida til Ulstein kyrkjelege fellesråd, som har ansvaret for økonomi, kyrkjebygg og gravferdsforvaltning. Ulstein kyrkjelege fellesråd er arbeidsgjevar for alle tilsette i kyrkjelyden, utanom prestane.

Medlemmar

Odd Arne Vikebakk (leiar)
Silje Kiperberg Aksnes (nestleiar)
Øyvind Grimstad Hagen
Linda Hasund
Cecilie Frantsen Skeide
Ingrid Redse Mjaaseth
Berge Myrene
Gunn-Marte Veddegjere Pieroth
Geistleg representant:
Margit Lovise Holte
Tone Cecilie Carlsten
Leidulv Grimstad
Mirjam Håland Igland

Varamedlemmar

Beate Hopland
Monica Leine Tokheim
Janne Fylsvik Rønningen
Marianne Follesøy Kaldhol
Mali Åm
Anton Heggvik (geistleg vara)

Sekretær: Christfried Kaul

Ulstein kommune sin repr. i kyrkjeleg fellesråd:

Ordførar Stian Skorgen Scheide

Vararepresentant: Varaordførar Lisa Mari B. Anderson



Odd Arne Vikebakk
Leiar



Silje Kiperberg Aksnes
Nestleiar



Øyvind Grimstad Hagen
Medlem



Linda Hasund
Medlem



Cecilie Frantsen Skeide
Medlem



Ingrid Redse Mjaaseth
Medlem



Berge Myrene
Medlem



Gunn-Marte
Veddegjere Pieroth
Medlem



Beate Hopland
Langnes
1.vara



Monica Leine
Tokheim
2.vara



Janne Fylsvik
Rønningen
3.vara



Marianne Follesøy
Kaldhol
4.vara



Mali Åm
5.vara

Utval og kontaktpersonar

Arbeidsutval

Odd Arne Vikebakk, Silje Kiperberg Aksnes, Berge Myrene, Margit Lovise Holte, Christfried Kaul (sekretær)

Administrasjonsutval

Odd Arne Vikebakk, Silje Kiperberg Aksnes, Berge Myrene, Ingrid Madli Sæter (tillitsvalt), Lill-Marte Apelseth Solbakken (Verneombod), Christfried Kaul

Gudstenesteutval

Øyvind Grimstad Hagen, Mali Åm, Karianne Sveen Orvik, Margit Lovise Holte, Mirjam Håland Igland, Michelle Öhman

Diakoniutval

Monica Leine Tokheim, Cecilie Frantsen Skeide, Mari Ann Vattøy, Karine Sæter

Vedlikehaldsutval

Linda Hasund, Beate Hopland Langnes, Marius Schjelderup, Christfried Kaul

Mangfald

Soknerådet representerer kyrkjelyden med ei god breidde når det gjeld alder, type engasjement, geografi og nettverk.

Saker som soknerådet har arbeidd med i 2025

- Budsjett 2025 og rekneskap 2024
- Økonomiplan 2025-2028
- Økonomirapportar
- Omprioriteringar av investeringsmidlar
- Årsmelding og gjennomføring av årsmøtet
- Justering betalingsregulativ
- Fornying audiovisuelt utstyr til Ulstein kyrkje
- Høyring tilskotsforvaltning i Dnk
- Presteressursar i Ulstein og Hareid
- Planer for namna minnelund på Osnes kyrkjegard
- Samarbeid med andre fellesråd
- Beredskapsplan Drift i krisesituasjonar
- Planverktøy Kirka vår
- Felles møte sokneråd og stab
- tildeling av kyrkjeoffer
- Søknad om redusert leigekostnad Ulstein kyrkje
- Gudstenesteliste
- Fornying av misjonsavtalen
- Bruk av papir vs. skjerm papir i gudsteneste
- Frivilligfest
- Liturgi for dei hellige tre dagar
- Kontakt med Evangelical Lutheran Church in Jordan and the Holy Land

Kyrkjemusikkutval

Gunn-Marte Veddegjerde Pieroth, Andreas Lunde, Kamilla Grimstad Hagen, Jette Hougaard Holstad, Tomine Sævik Voldsund, Michelle Öhman

Undervisningsutval

Janne Fylsvik Rønningen, Ingrid Redse Mjaaseth, Håkon Igland, Ingrid Madli Sæter, Bjørn Losvik

Utval for lys- og lydteknikk i Ulstein kyrkje

Berge Myrene, Øyvind Hagen, Andreas Halle, Lill-Marte Apelseth Solbakken, Marius Schjelderup, Christfried Kaul

Økonomiutval

Marianne Follesøy Kaldhol, Annelise Kleven Godø, Christfried Kaul

Kontaktperson Kirkens SOS

Mali Åm



Kyrkjetårnet mellom Fredheim og Fannemelbygget.
Foto: Ruben Voldsund

FRIVILLIGHET

Frivillig engasjement skapar verdier for fellesskapen, knyt oss saman, og samlar oss rundt saker vi brenn for. Innsatsen gjev mykje tilbake til den som vel å bruke si tid på frivillig engasjement.

Hjarteengasjement

Som kyrkjelyd ønskjer vi velkomen til ditt hjarteengasjement. På denne måten har vi kunne skape gode tilbod dei siste åra som ikkje er avhengig av at tilsette har regien. Samlingar som kveldsmøte, bønne- og lovsongskveld, Hjartevarmeaksjonen, eller initiativ for ein ny miksepult i kyrkja hadde ikkje blitt til utan at nokon som brenn for noko tok initiativet og samla ein gjeng eldsjeler. Slik lukkast vi med å vere ei kyrkje for alle våre 6700 medlemmar.

Frivillige skapar musikken som berører

Det hadde vore umogleg å betale honorar til alle som bidreg til musikken i kyrkja. Det er til Guds ære og til glede for menneske at vi har eit rikt musikkliv knytt til Ulstein kyrkje. Det ligg mange øvingstimar bak når musikken i kyrkjeromet formidlar det orda ikkje kan romme. Mangfaldet er gledeleg stort.

Omsorg er nestekjærleik

Å sjå kvarandre, bry seg om kvarandre, gi praktisk hjelp, ha tid for ein prat og omsorg for kvarandre er den nestekjærleiken Jesus gav oss i oppdrag å vidarformidle. I kyrkja kallar vi dette omsorgsarbeidet for diakoni. Mange frivillige er involverte i dette arbeidet og bidreg til eit varmare samfunn.

Gåver er ein viktig del av frivillig engasjement

Å gi ei gåve i kollekt på gudsteneste, gjennom ei gjevarteneste eller som enkeltgåver, er eit viktig frivillig bidrag for å kunne tilby eit mangfaldig arbeid leia av kompetente og engasjerte tilsette. Mange av oppgåvene våre - særleg innan diakoni og arbeid med barn og ungdom, treng økonomisk støtte langt utover det vi får av offentlege tilskot.

Særleg bidrag i 2025 - Ingrid Nerhoel

Eit ja-menneske som stiller på så mykje. Ho er ein fest å vere rundt og spreier lys og hjartevarme kvar enn ho er. Ho er fast pianist på bønne- og losongskveld, ho spelar ofte til andakter på sjukeheimen, og fast på ettermiddagstreff på Sjøsidea. Det er lett å spørje Ingrid. Difor er det ekstra viktig å vise at vi set pris på henne. Takk, Ingrid!



Foto: Fantastiske Osberget
Ruben Voldsund
Berge Myrene
Maria Saxegaard
Mari-Ann Vattøy

TILSETTE

Prestar i Ulstein sokn

Sokneprest	Margit Lovise Holte	100% (til 30.04.2025)
Sokneprest	Mirjam Håland Igland	100% (frå 01.12.2025)
Kapellan	Mirjam Håland Igland	100% (perm. frå 20.01.2025)
Prest	Anton Heggvik	50% (frå 01.05.2025)
Vikarprest	Tone Cecilie Carlsten	100% (01.01. - 31.07.2025)
Vikarprest	Leidulv Grimstad	100% (15.08. - 30.11.2025)
Vikarprest	Finn Ove Kaldhol	50% (15.06. - 14.07.2025)

Fast tilsette i Ulstein kyrkjelege fellesråd

Kyrkjeverje	Christfried Kaul	100%
Sekretær	Lill-Marte Apelseth Solbakken	100% (20% perm. i 2025)
Kyrkjegardsarbeidar/kyrkjetenar:	Jan Erling Davidsen	100% (73% perm. frå 15.08)
Kyrkjetenar/kyrkjegardsarbeidar:	Marius Erstad Schjelderup	70%
Kantor	Michelle Öhman	100%
Diakon	Karine Sæter	50%
Ped. Leiar barnehage	Karine Sæter	20%
Diakoniarbeidar	Mari Ann Vattøy	50%
Kateket	Bjørn Losvik	100%
Kyrkjelydspedagog	Ingrid Madli Sæter	100%
Reinhaldar	Sellathamby Vamathevan	27%
Klokkarar timebasert		ca. 13%

Mari Ann Vattøy, Inge Kaldhol, Sama Haify, Runar Langnes,
Mali Åm, Karianne Sveen Orvik, Annelise Kleven Godø

Vikarar

Gravplassarbeidar	Marius Erstad Schjelderup	30% (frå 15.08.2025)
Gravplassarbeidar	Kasimu Tiriwa	20% (frå 01.11.2025)

Prosjektstillingar

Kyrkjelydspedagog	Ruben Voldsund	90% (samarbeidsprosjekt)
Diakoniarbeidar	Mari Ann Vattøy	30% (integrasjonsprosjekt)



Mirjam H. Igland
Kapellan/Sokneprest



Margit L. Holte
Sokneprest



Tone-Cecilie Carlsten
Vikarprest



Leidulv Ø. Grimstad
Vikarprest



Anton Heggvik
Vikarprest



Finn-Ove Kaldhol
Vikarprest



Christfried Kaul
Kyrkjeverje



Lill-Marte A. Solbakken
Kyrkjelydssekretær



Karine Sæter
Diakon



Mari-Ann Vattøy
Diakoniarbeidar



Michelle Öhman
Kantor



Ruben Voldsund
Ungdomsarbeidar



Ingrid M. Sæter
Kyrkjelydspedagog



Bjørn Losvik
Kateket



Jan-Erling Davidsen
Kyrkjegardsarbeidar/
kyrkjetenar



Marius E. Schjelderup
Kyrkjetenar/
kyrkjegardsarbeidar



Vamathevan Sellathamby
Reinhaldar



Kasimu Tiriwa
Gravplassarbeidar

Vurdering av arbeidsfellesskapet

Ulstein kyrkjelege fellesråd har ein engasjert stab som samarbeider godt tverrfagleg og med frivillige medarbeidarar for å oppnå gode resultat i samsvar med mål sett av sokneråd og Kirkerådet. Det er svært god fagkompetanse i staben, som også blir etterspurt frå andre kyrkjelydar rundt oss. Det er eit godt samarbeidsklima som har vore ei viktig støtte for dei mange prestevikarane som har vore innom i løpet av 2025.

Ulstein kyrkjelege fellesråd har bedriftshelseteneste. Lill-Marte Apelsest Solbakken er verneombod, og Ingrid Madli Sæter er tilsettere representant for dei fellesrådstilsette.

Likestilling, integrasjon og mangfald

Det er 9,6 årsverk i dei faste stillingane inkl. prestar. Ved utgangen av 2025 var det 11 faste tilsette, seks kvinner og fem menn. To kvinner jobbar deltid i faste stillingar. To menn jobbar deltid i faste stillingar. To prosjektmedarbeidar har eit deltidsengasjement. Tre av dei fire deltidstilsette jobbar ufrivillig deltid.

Ni av dei fast tilsette har Ulstein kyrkjelege fellesråd som arbeidsgjevar, to faste tilsette har Møre bispedømeråd som arbeidsgjevar. Det er tre faste tilsette med innvandrarakgrunn. Det er ingen tilsette med nedsett funksjonsevne. Sju av dei fast tilsette har fullført utdanning ved høgskule eller universitet, fire år eller meir.

Arbeidstilhøve

Arbeidet Ulstein sokn driv har mange utfordringar knytt til lokala som arbeidet drivast i. Den største utfordringa er eit kyrkjebygg som er for lite, gir dårlege fysiske arbeidstilhøve, og lite og vanskeleg tilgjengeleg lagringsplass. Kyrkjebygget er særdeles vanskeleg å bruke som undervisnings- og forsamlingslokale utover kyrkjelege handlingar.

Soknet må leige andre lokale for å drive sitt arbeid. Fredheim har også plassmessige og funksjonsmessige begrensningar som heller ikkje gjer dette til ei god og framtidsretta løysing.

Kontorlokalet fungerer bra etter ei rekke oppgraderingar som er gjort dei siste åra, men er framleis ikkje lett tilgjengeleg for rullestolbrukarar og barnevogner. Det er også mangel på kontorplass for prosjektarbeidarar. Samtalerom er ikkje godt nok lydisolert. Det må jobbast med å få bygd ei kyrkje som kan løyse desse utfordringane.

Psykososialt arbeidsmiljø

Arbeidet i kyrkja er ofte prega av å møte folk i både djup sorg og stor glede ved livet sine høgtider. Dei tilsette kjenner eit ansvar og omsorg i slike situasjonar og er godt trent i å handtere dette med hjartevarme og profesjonalitet. I møte med folk i slike situasjonar, og for mange i ein eksponert arbeidssituasjon med høge forventningar frå deltakarar, må dei tilsette prestere godt og kan kjenne ei tomheit etterpå. På kyrkjegarden kan graving i graver til gjenbruk skape nokre psykiske belastningar.

Her opplever dei tilsette god støtte frå kollegaer i slike situasjonar, og tillita som staben har utvikla mot kvarandre i sitt arbeid skaper trygge rammer. Det er rom for å dele opplevingar i jobben med kvarandre, der det er godt å ha nokon å snakke med.

Staben har vore på ein 2-dagars stabstur til Kristiansund for å styrke den gode kollegaskapen. Staben har fått oppfrisking i livreddande førstehjelp og bruk av hjartestartaren som er plassert i kyrkja.

BYGG OG ANLEGG

Ulstein kyrkje

Kyrkjerommet har ei varm og inviterande atmosfære som mange set stor pris på. Det er ei stor glede å sjå at mange brukar kyrkja si til å markere høgtidene i livet, til å oppleve fellesskap med Gud og kvarandre. Kyrkja er også eit ettertrakta konsertlokale.

Kyrkja vart i si tid bygd for eit folketal på 1100 personar. I dag soknar det ca. 6700 medlemar til denne kyrkja. Det er dessverre fleire situasjonar per år der ein opplever at kyrkja er for lita og folk må snu i døra, eller lét vere å kome grunna den kjende kapasitetsutfordringa.

Ulstein kyrkje er listeført og krev omsyn og oppfølging av vedlikehald. Medan ytterskalet framleis gir bra vern, er interiøret nedslite gjennom hyppig bruk og mangel på andre forsamlings- og undervisningslokale. Tørkeskadane i treverket i kyrkja er synlege mange plassar, og kjem som følgje av hyppig oppvarming til dei mange arrangementa kyrkjebygget blir brukt til.



Tårnet i snødrakt. Foto: Ruben Voldsund

Med både kommunale investeringsmidlar og støtte frå Sparebanken Møre fekk vi installert nye projektorar og ny miksepult med tilhøyrande infrastruktur i 2025. Også ny belysningsløyising er finansiert av dette og vil bli installert tidleg i 2026. Dette har forbetra lyd- og lysforhold i kyrkja vesentleg, og har gjort kyrkja betre universelt utforma. Det vil også gi mindre slitasje på interiøret når ein langt sjeldnare treng å frakte teknisk utstyr inn og ut. Ein har ikkje kome vidare med prosjektering for ombygging av våpenhuset i 2025.

Ulstein nye kyrkje

I 2025 har ikkje bygging av ny kyrkje vore ei sak til politisk handsaming. Kommunestyret i Ulstein har handsama planane om Ulstein nye kyrkje ved fleire høve tidlegare og gitt soknet oppdrag i prosessen vidare. Både Snøhetta og Sporstøl arkitekter og Conplan AS, to lokale arkitekt- og byggeingeniørfirma, har vore involvert i ein prosess med omprosjektering i 2020 som blei kostnadsberekna til kr. 89,5 millionar norske kroner basert på prisnivå frå 2017. Dette er ei innsparing på 13,5 millionar norske kroner eller 13,1 % av opphavelig prosjekt.

Soknerådet har sitt engasjement retta mot kommuneadministrasjonen for å plassere bygging av Ulstein nye kyrkje i kommunen sin langtidsplan. Det er semje om at Ulstein treng ei ny kyrkje i det politiske miljøet, men den økonomiske situasjonen i kommunen for tida gir ikkje rom for eit så stort investeringsprosjekt. Fondet med innsamla gåver til nytt kyrkjebygg ligg rett under 10 millionar norske kroner. Dette fondet er ein viktig del av eigenkapitalen vi treng for å få realisert Ulstein nye kyrkje, og vi treng framleis at det veks vidare.

Nytt tilfang i historiske kyrkjetekstilar

Ulstein sokn har fått den gamle samarien (svart prestekjole) med pipekrage som avdøde sokneprest Atle Hopland brukte i si tid, i gåve. Både samarien og pipekragen er blitt rensa og har fått godt stell av Linda Hasund, og dei blir oppbevart i Ulstein kyrkje saman med dei andre historiske kyrkjetekstilane som høyrer til Ulstein kyrkje.


Osnes kyrkjegard

I 2025 fekk vi isolert taket på driftsbygget på Osnes, som betrar arbeidsforholda på innsida av bygget i den kalde årstida. Det er framleis utfordringar med plass knytt til bygget, som må fungere som både lager, garasje og verkstad. Grunna plassmangel står både traktor og gravemaskin ute. Dette reduserer levetida på desse køyretøya.

Det er jobba med prosjektering og sikring av økonomi til namna minnelund og eit urnegravfelt som skal etablerast på eksisterande Osnes kyrkjegard. Det er inngått kontrakt, og godkjenning frå Statsforvaltaren er venta januar 2026.

Mange graver på Osneset blir gjenbrukt. Dette skapar ein god del meirarbeid og er også ei psykisk påkjenning for dei som jobbar med graving. Gjennom tenesteytingsavtalen bistår teknisk etat i Ulstein kommune ofte ved graving. Det er krav om at det alltid skal vere to arbeidarar saman på gravingsarbeid. Feriearbeidarane hjelte også i 2025 til med stell av gravplassen, i tillegg til Claire Elodie Mapil og dottera. Ulstein kyrkjelege fellesråd har også eit godt samarbeid med Friomsorgstenesta om arbeidsoppgåver.

Ved stormen i oktober var det fleire greiner som knakk frå dei store trea på kyrkjegarden, og dette stadfestar behovet for at fleire tre bør fjernast frå Osneset kyrkjegard og ein bør lage ein plan for ny beplantning.



Osnes kyrkjegard ein tidleg vårdag. Foto: Jan-Erling Davidsen.

Kyrkjegarden ved Ulstein kyrkje

Vik kyrkjegard rundt Ulstein kyrkje har status som nedlagd. Å kunne ta delar av denne i bruk igjen som namna minnelund vil gi dette området eit løft og ein bruksfunksjon igjen. Arbeid med dette må skje i dialog med vurderingar i forhold til kulturminnelova, og i samband med bygging av Ulstein nye kyrkje.

Ulstein gamle kyrkjestad

Den første kyrkjeplassen i Ulstein kommune var plassert ved den siste hamna før kryssing av Breisundet vidare til Giske og Borgund. Etter at kyrkja vart flytta til sentrum står det nokre gravminne att, den mest verdifulle er etter Christoffer Rønneberg. Støttemuren for Ulstein gamle kyrkjestad har tatt skade over tid, der mange steinar har rasa ut på nordsida. Det er framleis eit ønskje om å legge betre til rette for markering av staden som eit ledd i Kystpilgrimsleia.

Kyrkjekontoret

Ulstein sokn eig andre etasje i Sjøgata 61 og bruker det som kontorlokale for dei tilsette, med møterom og kjøkken. Som kontorarbeidsplassar fungerer bygget bra, men det bør vere betre fasilitetar for å ta i mot besøkjande til samtalar og andre føremål.

Her er spesielt lydisolasjonen ei utfordring. Møteromet er i minste laget for møte i Ulstein sokneråd. Tilkomsten til kontoret er ikkje universelt utforma og byr på utfordringar for brukarar. Heller ikkje toaletta på kyrkjekontoret er tilrettelagt for folk i rullestol. Bygget er dårleg isolert og ikkje alle kontora har tilstrekkeleg med oppvarming og solskjerming. Ved regnvêr og storm frå sydvest er det vatninntrenging gjennom overgangen mellom vindauge og fasade i eitt kontor.

Ulstein sokn har ein rammeavtale med Ulstein kommune som sikrar Ulstein sokn føreseielege økonomiske rammer for ei fireårsperiode. Avtalen gjeld for 2024 – 2027 og gir grunnlag for dei kyrkjelege tenestene Ulstein kommune skal finansiere gjennom tilskot. Ulstein kyrkjelege fellesråd er også gravplassmynde på vegne av Ulstein kommune for alle innbyggjarar. Tilskot til dette inngår også i den kommunale tildelinga soknet får. Som ein del av tenesteytingsavtalen med Ulstein kommune fører Ulstein kommune rekneskapen for Ulstein sokn.

Ulstein sokn får også tilskot frå Den norske kyrkja sentralt til diakon- og kateketstillingar og til arbeid med kyrkjeleg undervisning. Ulstein kommune finansierer 50% av kateket, og 50% av diakonstilling. Ulstein kommune kjøper også nokre tenester hjå soknet for inkluderingsarbeid blant flyktningar. Gjennom samarbeid med fellesrådet i Herøy kjøper fellesrådet tenester for kyrkjeleg undervisning og barne- og ungdomsarbeid av Ulstein sokn tilsvarande ca. 30% stilling. Ulstein sokn har også ein samarbeidsavtale med KFUK-KFUM Møre og Romsdal om å styrke og utvikle ungdomsarbeid i regionen med ressursane i Ulstein som utgangspunkt. Samarbeidet sikrar 40% av ungdomsarbeidarstillinga.

I 2025 har kyrkjelyden i Ulstein samla inn kr. 860.122 i gåver og kollekt, delvis til eige arbeid, til nytt kyrkjebygg, men også til misjonsprosjektet i NMS, kristent barne- og ungdomsarbeid, og andre føremål soknerådet har vedteke gjennom kollekten i kyrkja under gudstenestene. Ulstein sokn har også fått gåvemidlar til diakonalt arbeid og til barne- og ungdomsarbeid på kr. 233.000. Gjennom Kirkens nødhjelp sin fasteaksjon blei det samla inn kr. 154 543.

Driftsrekneskapen for Ulstein sokn 2025 viser eit mindreforbruk på kr. 290.581.

Grunna låge pensjonspremieinnskot har det vore mindre lønskostnader enn budsjettet. Gåveinntektene har hatt ei gledeleg auke, og soknet har fått auka inntekter gjennom tilskot til aktivitet.

Gjennom driftsåret var det også mogleg å redusere forpliktingar i investeringsrekneskapen med kr. 290.710 slik at udekka eigenkapitalinnskot er redusert til kr. 29.443. Balansen viser ei auke i egedelar og eigenkapital frå 2024 til 2025 på kr. 1.621.488. Her står renteinntekter og gjevarteneste på kyrkjebyggarkonto for den største delen av auka.



Frå påskenenatt. Du tenkte kanskje dette ikkje hadde noko med økonomi å gjere, vel - Jesus tok rekninga. Foto: Jan Erling Davidsen.

Driftsrekneskap	Rekneskap 2025	Rev. budsjett 2024	Rekneskap 2024
INNETEKTER			
1 Brukarbetaling, sal, avgifter og leieinntekter	982 743	904 200	1 049 471
2 Sal av driftsmidler/fast eiendom	0	0	0
3 Refusjonar/overføringer	5 659 235	5 694 824	5 217 259
4 Kalk. inntekt ved komm.avtale	921 751	0	828 517
5 Statlege tilskot	12 762	0	13 762
6 Tilskot frå rettssubjektet DNK	1 633 000	1 582 035	1 578 700
7 Rammeoverføring/tilskot frå eiga kommune	7 045 055	7 468 900	6 965 198
8 Tilskot frå soknet sine organ	0	0	0
9 Andre tilskot, gåver, innsamla midlar	1 131 999	702 000	1 014 547
10 Sum driftsinntekter	17 386 545	16 351 959	16 667 453
UTGIFTER			
11 Løn og sosiale utgifter	7 944 400	8 443 734	7 735 062
12 Kjøp av varer og tenestar	2 175 627	2 006 165	1 817 183
13 Refusjonar/overføringer	5 071 503	4 982 900	4 871 788
14 Kalk. utg. ved komm.ytingsavtale	921 751	0	828 517
15 Tilskot og gåver	317 947	406 100	278 249
16 Sum driftsutgifter:	16 431 227	15 838 899	15 530 799
17 Brutto driftsresultat:	955 318	513 060	1 136 654
18 Renteinntekter og utbyte	600 606	70 000	541 651
19 Mottekne avdrag på utlån	0	0	0
20 Renteutgifter og låneomkostn.	54 620	64 000	60 386
21 Avdrag på lån	101 064	167 000	101 064
22 Utlån, kjøp av aksje, andelar o.l.	0	15 000	0
23 Netto finansinntekter/-utgifter	444 923	-176 000	380 201
24 Avskrivningar	525 461	0	525 461
25 Motpost avskrivningar	525 461	0	525 461
26 Netto driftsresultat	1 400 241	337 060	1 561 855
Interne finansieringstransaksjonar:			
27 Bruk av udisponert frå tidl. år	311 802	311 802	0
28 Bruk av disposisjonsfond	0	0	0
29 Bruk av bundne fond	18 809	13 650	54 350

Driftsrekneskap	Rekneskap 2025	Rev. budsjett 2025	Rekneskap 2024
30 Sum bruk av avsetningar	330 611	325 452	54 350
31 Avsett til dekning frå tidlegare år	160 291	160 291	330 303
32 Avsett til disposisjonsfond	211 511	211 511	0
33 Avsett til bundne fond	777 759	0	929 100
34 Overført til investeringsregnskapet	290 710	290 710	0
35 Sum avsetningar	1 440 271	662 512	1 259 403
36 MEIRFORBRUK (-) / MINDREFORBRUK (+)	290 581	0	311 802

Balansar	Rekneskap 2025	Rekneskap 2024
EIGEDELAR A-Anleggsmidlar		
Faste eigedomar og anlegg	17 450 940	17 522 734
Utstyr, maskinar og transportmidlar	1 185 333	791 446
Utlån	0	0
Aksjar og andelar	432 339	402 896
B - Omløpsmidlar Kortsiktige fordringar	732 505	949 787
Obligasjonar	0	0
Kasse, bankinnskot	13 038 002	11 550 769
C - SUM EIGEDELAR	32 839 120	31 217 631
D - EIGENKAPITAL		
Disposisjonsfond	1 659 942	1 448 431
Bundne driftsfond	9 651 704	8 892 754
Ubundne investeringsfond	53 500	53 500
Bundne investeringsfond	0	505 640
Reknskapsmessig mindreforbruk	290 581	311 802
Reknskapsmessig meirforbruk	0	-160 291
Udekkja i investeringsregnskapet	-29 443	-290 710
Kapitalkonto	18 440 345	17 987 744
E - GJELD: Ihendehaverobligasjonslån	0	0
Sertifikatlån	0	0
Andre lån	732 606	833 670
F - Korsiktig gjeld Kassekredittlånt	0	0
Anna kortsiktig gjeld	2 039 885	1 635 092
G: SUM EIGENKAPITAL OG GJELD	32 839 120	31 217 631
Memoriakonti: Ubrukte lånemidlar	104 339	104 339
Motkonto for memoriakonti	-104 339	-104 339

INFORMASJON OG KONTAKT

Opningstider

Ulstein kyrkje er open for besøk tysdag til fredag kl 08.00-16.00. Kyrjekontoret er ope tysdag-fredag kl 10.00-14.00

Publisering

Å ha gode kanalar for å nå ut til mange er viktig for ei folkekyrkje med 6700 medlemar. Med kyrkjesida i Vikebladet Vestposten når vi fram til mange husstandar gjennom papiravisa. Kyrkjesida kjem på trykk annankvar veke i samarbeid med Hareid kyrkje, der vi informerer om aktivitetane våre. Glastavla ved inngongen til kyrkja syner aktuelle plakatar, og ein finn brosjyremateriell både i våpenhuset og ved turistinformasjonen på Ulstein Arena.

Heimesida til Ulstein sokn og portalen www.skjerikirken.no er ei viktig kjelde for informasjon om kyrkjelege handlingar, gudstenesteliv og kyrkjelydsarbeid. Mange melder til dåp, konfirmasjonsundervisning eller trusopplæringstiltak gjennom www.ulsteinkyrkje.no

For promotering av arrangement nyttar vi Facebook og andre sosiale media. Gudstenester vert overført via ei lukka linje til TV-apparat i institusjonane for dei eldre.

Kontakt med Ulstein kommune


Soknet har eit godt samarbeid med Ulstein kommune. Ordføraren er kommunal representant i Ulstein kyrkjelege fellesråd, og gir oss ein viktig kontakt inn i dei politiske organa. Det er eit godt samarbeidsklima med kommuneadministrasjonen. Gjennom tenesteytingsavtalen får soknet levert tenester for rekneskap og løn, levering av telefonsystem og internettlinja, men også praktiske tenester knytt til arbeid på kyrkjegarden.

Kontakten med prosten i Søre Sunnmøre


Prosten leier prestetenesta i prostiet. Saman med kyrkjevevane inviterer prosten til ein årleg prostidag for alle tilsette i prostiet, og prosten deltek på samlingar med stab og sokneråd.

Kontakt med Møre Bispedømeråd

Dei fagtilsette tek del på årlege samlingar med biskopen og rådgjevarane frå bispekontoret. Biskopen godkjenner endringar i kyrkjebygget og har tilsyn med soknerådet sine planar for kyrkjeleg arbeid. På vegne av Kirkerådet tildeler og administrerer Møre bispedøme tilskot for diakonar, kateketar og kyrkjeleg undervisning. Tilskotet er ein føresetnad for å kunne drive eit mangfaldig og kompetent arbeid i diakoni og kyrkjeleg undervisning.



Kyrkja ein oktoberdag. Foto: Ruben Voldsund



Når du tek kontakt er sjansen stor for at det er kyrkjelydssekretær Lill-Marte A. Solbakken du møter. Foto: Ruben Voldsund





Den Norske Kyrkje
Ulstein sokn
Kyrjekontoret
Sjøgata 61 (Pb. 143)
6067 Ulsteinvik
Tlf: 700 17 680



DEN NORSKE KYRKJA
Ulstein sokn

SAMAN PÅ FERDA...

E-post:
Facebook:
Nettside:
Ulstein nye kyrkje:

post.ulstein@kyrkja.no
Ulstein kyrkje
www.ulsteinkyrkje.no
www.ulsteinnye kyrkje.no